



UNIVERSITÄTS-
BIBLIOTHEK
PADERBORN

Universitätsbibliothek Paderborn

**D. Bernardi Primi Clarævallensis Abbatis, Ordinis
Cisterciensium Antesignani, melliflui Ecclesiæ Doctoris
Sermones In Dominicas & Festa per annum**

Bernardus <Claraevallensis>

In Natali S. Victoris Confessoris.

urn:nbn:de:hbz:466:1-39254

In Evangel. De Septem Panibus, Serm. III. 331

Sic completur hodie quod de seipsa sapientia prophetavit : & nunc id ipsum video, quoniam qui edunt me, adhuc esurient & . Proinde non vos g Ecli. 24. e pro traham ultra, sed nec vestram fraudabo esuriem , quoniam quidem sic paratos video, ac si necdum sum pseritis quicquam. Tria considero in quibus tota spes mea consistit, charitatem adoptionis, veritatem promissionis, potestatem redditionis. Murmuret jam quantum voluerit insipiens cogitatio mea dicens : Quis enim es tu , aut quanta est illa gloria, quibusve meritis hanc obtainere speras ? Et ego fiducialiter respondebo: Scio cui credidi, & certus sum, quia in charitate nimia adoptavit me, quia verax in promissione , quia potens in exhibitione : licet enim ei facere quod voluerit. Hic est funiculus triplex qui difficilè rumpitur , quem nobis à patria nostra in hunc carcerem usque dimissum firmiter, obsecro, teneamus : ut ipse nos sublevet, ipse nos trahat & pertrahat usque ad conspectum gloriæ magni Dei : qui est benedictus in sæcula, AMEN.

Tria spei fulcra fortissima.

Duos sequentes sermones, qui & totum Officium Liturgicum pro die festo S. VICTORIS , scripsit S. BERNARDUS, petente Guidone Abate Arremarensi in Diœcesi Trecensi: in cuius Monasterio eiusdem Sancti corpus adseratur. Cetera ad dictum Officium Ecclesiasticum spectantia, in fine hic reperies. Neque enim hic sermonum seriem interrumpere vixum est.

IN NATALI S. VICTORIS CONFESS. *

S E R M O N I.

VICToris vita* & gloria spiritualis, non tam ad gloriam quam ad virtutem provocat omnes qui recte sunt corde. Non recti planè sed perversi est animi antè querere gloriam quam exercere virtutem , & velle * al. virtus. coronari qui legitime non certaverit. Vanum est vobis, inquit , ante lucem surgere. Ita est. Frustra ad celitudinem nititur gloriæ, qui prius non claruit virtute. Frustra fatuæ virgines sponso obviam surgunt, quarum lampades extinguuntur : & ideo fatuæ quia vacuis gloriantur lampadibus, virtutis oleum non habentes. Absit mihi gloriari nisi in gloria illorum, quibus Propheta congratulans ait: Domine in lumine vultus tui ambulabunt, & in nomine tuo exultabunt tota die , & in justitia tua exaltabuntur. Et insert: Quoniam gloria virtutis eorum tu es. Pulchre non eorum, sed virtutis eorum gloria commendatur, Quæ enim sine virtute est gloria, profectò indebita venit, præproperè affectatur , periculose captatur. Virtus, gradus ad gloriam: virtus mater gloriæ est. Fallax gloria & vana est pulchritudo, quam illa non parturivit, Sola est, cui gloriæ gradus ad jure debetur, & securè impenditur.

Sermones S. Bernardi.

Tt

Sancto

* Martyrol.
Roman. referunt
ad 26. Febr.
ubi Baron.

In notis horum
Bern. Sermonum
meminit.

* al. virtus.
Psal. 126. a
Gloria sine
virtute inanis
& indebita.
Sola virtus

In sanctis quedam miranda, quædam imitanda.

S. Victoris nonnulla miracula.

Sancti potius in moribus quam in mirabilibus emulandi.

Sancto Victori nec virtus nec gloria deest, sed quemadmodum ambae res & quo ordine in homine processerunt, id operæ premium intueri. Pugnavit fortiter, viriliter superavit, & sic demum gloria & honore coronatur. Quomodo nempè inglorius remansisset bellator fortis, humilis vicit? quanquam nec in die virtutis suæ sine gloria fuit, signis & prodigiis admirandus. Habemus, dilectissimi, in vita Victoris, & quod dignè miremur, & quod salubriter imitemur. Miror vina dedisse in eremo, non vitem, sed fontem. Miror & stupeo infantem adhuc in utero pavori fuisse pavendis dæmoniis, quippe ab ipsis præcognitum, & jam tunc ex nomine designatum. Nec vacuum nomen, ubi hostium fuga & extorta confessio victoriam concessit infantulo. Quis item non miretur furem à dæmone deprehensem, & rursum à dæmone mox hominem liberatum? Quis non etiam omni admiratione stupendum ducat, carne circundatum hominem, cœlis patentibus, carnis oculos superno infigere lumini, & videre visiones Dei, Angelico insuper mulceri cantico, doceri oraculo? Hæc atque similia in sancto homine veneramur, non æmulamur: Merito quidem, quando & sine salutis periculo possunt non fieri, & sine salutis periculo nequeunt usurpari. Tutius sane æmulanda solidiora quam sublimiora, & quæ magis virtutem redoleant, gloriam minus.

Studeamus proinde moribus conformari, cui in mirabilibus similiari etsi volumus, non valemus. Æmulemur in viro sobrium victimum, devotum affectum, æmulemur mansuetudinem spiritus, castimoniam corporis, oris custodiā, animi puritatem, ponere frænum iræ & modum linguæ, dormire parcus, orare frequentius, commonere nosmet ipsos psalmis, hymnis & canticis spiritualibus, diebus jungere noctes, & divinis laudibus occupare. Æmulemur charismata meliora. Discamus ab ipso quod mitis & humilis corde fuit. Æmulemur, inquam, quod existit liberalis in pauperes, jucundus ad hospites, patiens ad peccantes, benignus ad omnes. Hoc enim melius. In his forma est cui imprimamur, in miraculis gloria à qua reprimamur. Illa lætificant, ista ædificant: moveant illa, ista promoveant. Epulemur, dilectissimi, ad mensam divitis vocati, mensam abundantem panibus, deliciis cumulatam. An non dives, qui exemplis nos reficit, protegit meritis, lætificat signis? Dives planè, in cuius hodie convivio solenni Angeli & homines pariter congregantur. Hi ut reficiantur, illi ut delicientur. Isti ut proficiant, illi ut gaudeant. Cuius vita repleta bonis, quid, nisi mensa referta cibis? Nec tamen omnibus omnia apponuntur, sed ut tollat quisq; quod sibi expedire & convenire videbit.

SS. Vita referta bonis est

Et ego quidem consilio salubriori diligenter considero quæ mihi apponuntur. Cautum est mihi eligere mea, & aliena non tangere. Non exten-

dam

De S. Victore Confess. Arremarensi, Serm I. 333

dam manum ad gloriam miraculorū : ne si attentavero quod desuper non *quasi mensa*
accepi, perdam meritō & quod videor accepisse. Non levo cum illo oculos *plena ferentis,*
ad rimanda secreta cœlestia, ne oppressus à gloria confusus resiliam, sero *unde quisque sumit quod se-*
confugiens ad consilium Sapientis, qui ait ^c. *Altiora te ne quaesieris, et for-*
tiora te ne scrutatus fueris. Infertur mensis vinum novum aquarum ruben- ^{c Eccli. 3.c}
tium: non tango, quia non mihi appossum scio, qui similiter elementa mu-
tare, naturas innovare non valeo. Cerno item in mensa Victoris Angelos
illum audisse canentes. Nunquid videbo & ego mihi super nos exhiberi
cantores: aut certè citharcēdos illos de Apocalypsi ^d coram me cithariza- ^{d Apoc. 14.2}
re in etharis suis? Imperat ille dæmonibus adhuc in corpore vivens, vin-
etum in corpore solvit corpora jam solutus. Cibi sunt sed non mei, equi-
dem jucundi & sapidi: sed non tangit illos anima mea, quoniam non est
inopi mihi unde sufficiam talia redhibere. At si diligenter considero, ecce
præ oculis in mensa Sancti, censura judicii, disciplinæ vigor, sanctitatis
speculum, vitæ forma, virtutis insigne. Hæc à me & absq; præsumptione
sumuntur, & salubriter insumuntur: & si dissimulo, districte reposcuntur.

Audi adhuc quænam mihi jure apposita pūtem. Si panem doloris &
vinum compunctionis de divitis mensa obtuleris, tollo securus qui sum
pauper & inops. Erunt mihi lachrymæ meæ panes die ac nocte, & pocu-
lum meum cum fletu miscebo ^e. Pars mea hæc, qui dolenda coñisi. Nec ^{e Psal. 41.8}
me tamen pigebit, ut æstimo, cibi huius, quoniam qui apposuit scientiam,
addit & dolorem. Sed & si temperantiae, si justitiae, si prudentiae vel fortitu-
dinis exempla appareant, ea incunctanter sumo, sciens quia talia oportet
me præparare. Hæc mihi apponi, hæc à me repetitum iri non dubito.
Nunquid signa & prodigia exigenda à nobis sunt, ut ea diviti vicissim præ-
paremus? Fratres, vasa sunt in honorē illi qui nos invitavit, non cibi pau-
perum. Tu ergo qui invitatus es, diligenter considera quid tibi ille, quid si
bimet apposuerit; non enim quicquid in mensa apponitur, tibi apponi-
tur. Quid si in poculo aureo fuerit propinatum? Non poculum tibi sed po-
tus apponitur. Sume potum & pone aurum. Ergo exempla bonorum ope-
rum & rectitudinem morum patersfamilias communicat ita domesticis, ut
prærogativam sibi retineat in miraculis. In his tamen atq; illis, ille glorifi-
candus est, cuius munus sanctè vivere, cuius virtus signa facere est, qui in
Trinitate perfecta vivit & regnat Deus in sæcula sæculorum, Amen.

DE S. VICTORE.

S E R M O II.

Gaudete in Domino, dilectissimi, qui inter continua suæ pietatis be-
neficia, indulxit hominem mundo, cuius multi salvarentur exemplo.

T t 2

Iterum

1014.

Iterum dico gaudete, quod factus de medio appropiavit Deo, ut multò plures eius intercessione salventur. Habet ex hominibus cui hominum peccata donet misericors & miserator Dominus.

*Sancti in ter-
ris viventes
nos informant
ad vitam: in
celis gauden-
tes invitant
ad gloriam.*

Habet tempus & locum intercedendi pius & misericors advocatus. Evidem locum quietum & tempus feriatum. In terris visus est, ut esset exemplo, in coelum levatus est, ut sit patrocinio. Hic informat ad vitam, illic invitat ad gloriam. Factus est mediator ad regnum, qui fuit incitator ad opus. Bonus mediator, qui sibi jam postulans nihil, totum in nos transferre desiderat, & supplicantis affectum & supplicationis fructum. Quid enim querat sibi qui nullius eget? Dominus conservat eum & vivificate eum, & beatum facit cum in gloria, nihil illi deerit in loco pascuae collocato. Haec dies gloriose migrationis eius, dies latitiae cordis eius, exultemus & latemur in ea. Introivit in potentias Domini, gaudemus quia nunc potentior est ad salvandum.

*Anima in
celis beata e.
logia.*

Hodie Victor posito corpore, quo solo praepediri ab introitu gloriae videbatur, tanto alacrior quanto expeditior penetravit in sancta, similis factus in gloria Sanctorum. Hodie de novissimo & humili loco quem sibi ex consilio Salvatoris elegerat, ipso summo patrefamilias evocante, verus amicus ascendit superius, & est illi gloria coram simul discubentibus. Hodie despecto mundo, & mundi principe triumphato, supra mundum verè Victor ascendit, accipiens de manu Domini coronam victoriae. Ascendit autem cum immensa supellestili meritorum, clarus triumphis, miraculis gloriosus. Pausat miles emeritus, & post labores sudoreisque perfectae militiae locatur feliciter, coronatur sublimiter. Anima eius in bonis demorabitur. Quæris ubi? Cum Abraam, Isaac, & Jacob in regno cœlorum. Ita cum talibus & tali in loco sibi sedet. Sedet excelsa & fulgida, sedet latabunda & laudans. Sedet delicata & ornata monilibus suis, stipata malis, fulsita floribus. Sedet, inquam, sibi vacua curis, deliciis affluens, abundans ocii & quietis ad vacandum sapientiae. Quæ sedet & flevit super flumina Babylonis sedet modo ad fontem vitae, & conversatio illi secus torrentem voluptatis, cuius impetus latifidat civitatem Dei. Invenit sibi fontem hortorum, puteum aquarum viventium, & cum Samaritana potatur aqua sapientiae salutaris, ut non sitiat in æternum. Datur illi de fructu manuum suarum, & laudant eam in portis opera eius, & gloriantur testimonio conscientiae. Conscientiae dico suæ, non alterius. Sedet media Angelorum, digna planè corum confortio, quorum desiderio flagrat, puritate nitet, castimonia decoratur. Sedet inter Apostolos vir Apostolicæ gratiae: nec est quod se abscondat à cuneo Prophetarum, qui quem illi prædixerunt, glorificavit & portavit in corpore suo. Neq; se putat victoriosis Martyrum chorus Victor noster arcendum, qui duro & diuturno martyrio viventem sui corporis hostiam immolavit.

Sedet

*Sancti in cœ-
lus securi qui-
dem de se : at
pro nobis sol-
liciti.*

Sedet veteranus miles debita jam suavitate & securitate quietus. Securus quidem sibi, sed nostri sollicitus. Non enim cum putredine carnis simul se exuit visceribus pietatis: nec sibi sic induit stolam gloriae, ut nostræ pariter miseriæ suæque ipsius misericordiae oblivionem indueret. Non est terra oblivionis, quam anima Victoris inhabitat, non terra laboris, ut occupetur in ea; non denique terra, sed cœlum est. Nunquid cœlestis habitatio animas quas admittit indurat, aut memoria privat, aut spoliat pietate? Fratres latitudo cœli dilatat corda, non arcat; exhilarat mentes, non alienat; affectiones non contrahit, sed extendit. In lumine Dei serenatur memoria, non obscuratur. In lumine Dei discitur quod nescitur, non quod scitur dediscitur. Superni spiritus illi qui ab initio cœlos inhabitant, nunquid quia incolunt cœlos, despiciunt terras, & non magis eas visitant & frequentant? Nunquid quod semper vident faciem Patris, ministerium eyacuant pietatis? Omnes nihilominus administratori spiritus sunt, missi in ministerium propter eos qui hæreditatem capiunt salutis^a. Quid ergo? Discurrunt Angeli & succurrunt hominibus; & qui ex nobis sunt, nesciunt nos: nec norunt jam compati, in quibus passi sunt & ipsi? Qui dolores nesciunt, sentiunt tamen nostros: & qui venerunt de magna tribulatione, non recognoscunt jam in quo fuerunt? Scio qui dixit^b: *Me expectant iusti donec retribuas mihi.* Justus est Victor etiam expectans nostram proculdubio retributionem. Non est ille Pincerna Pharaonis, qui inventam gratiam retinuit sibi, prophetæ sui pariter & captivi minimè recordatus^c. Minister Christi est, Christianum sequitur. Non est ille oblitus suæ promissionis, nec socio passionis regni consortium denegavit. Non est discipulus contra magistrum; non potest Victor quicquam facere, nisi quod viderit magistrum facientem. Opera quæ ille fecit, & iste fecit similiter.

*a Heb. 1. d
Sancti norunt
nobis compati,
& ipsi olim si-
milia paſſi.
b Psal. 141. b*

c Gen. 40.

*Victor Ango-
lis familiaris,
Demonibus
terribilis.*

Jam cœlos ingressus, quos & antè apertos beatis oculis suspiciebat, verè nunc revelata facie speculatur gloriam Dei, absorptus quidem, sed non oblitus clamorem pauperum. Beata visio qua in eandem imaginem transformatur de claritate in claritatem, tanquam à Domini spiritu. Parvulus ad pugnam, magnus ad victoriam, matris viscera necedum exiens, & jam ejiciens daemonia, cum incremento virtutum ac meritorum. Victor vivens inter peccatores translatus est. O virum præcipuae sanctitatis, qui antè sanctus quam natus, antè opere quam nomine Victor. Adhuc utero clausus jam de hoste triumphavit. O venerandam etiam ipsis Angelis sanctitatem, quam pari studio, etsi dispari voluntate, & mali fugient & frequentant boni. Nec facile dixerim quid virum astruat sanctiorem, horum favor, aut pavor illorum. Corpore denique terras, mente

cœlos inhabitans, aliquando familiarius aliqui nunciantes, aliquando ineffabili cantus suavitate plausibiles supernorum voces spirituum audiebat. Verè anima tua, Victor, una ex gemmis, quæ tibi in cruce apparuerunt. Vere infixa cruci: cum divinæ inserta gloriæ, eandem libi claritatis imaginem induit, quam invenit. Vincenti expandit gremium suum, qui pugnanti dederat spiritum suum. O victrix anima, quæ sicut passer transvolans, mundi laqueos evasisti; respice ad incutas animas intricatas illis, periclitantes in illis, ut tuo patrocinio eruamur.

O miles emerite qui Christianæ militiae duris laboribus, Angelicæ felicitatis requiem commutasti; respice ad imbelles & imbeciles commilitones tuos, qui inter hostiles gladios & spirituales nequitias tuis laudibus occupamur. O victor inelyte, qui & de terra & de cœlo glorioſſimè triumphasti, illius gloriam nobiliter superbus despiciens, & huius regna pie violentus diripiens, respice de cœlo ad vincitos terræ, ut hæc sit tuorum consummatio triumphorum, si & nobis demum vicisse te sentiamus. Nam si ex re nomen tibi, perfecta veritas nominis ex nostra liberatione censebitur: & certè deest interpretationi quandiu nos, qui tui sumus, minimè liberamur. Quàm pius, quàm dulce, quàm suave, o Victor, in hoc loco afflictionis & in hoc corpore mortis te canere, te colere, te precari! Nomen tuum & memoriale tuum favus distillans in labiis captivorum, mel & lac sub lingua eorum, qui tui memoria delectantur. Eia ergò fortis athleta, dulcis patrona, advocate fidelis: exurge in adiutorium nobis, ut & nos de nostra erceptione gaudeamus, & tu de plena victoria gloriaris. Omnipotens pater, peccavimus tibi, facti filii alieni, sed appropiavimus in Victore, qui dum vicit cupiditatem suam, vincat & iram tuam, nos quoque in gratiam potenter restituat. O victor JESU te in nostro Victore laudamus, quia te in illo vicisse cognoscimus. Da ei piissime JESU sic de sua in te victoria gloriari, ut non subeat oblivio nostri. Fili Dei immitte ei nostri semper in conspectu tuo memorem esse, nostram in tuo tremendo judicio suscipere & agere causam, qui cum Patre & Spiritu sancto vivis & regnas DEUS per omnia sæcula sæculorum, AMEN.

† klem sermo
reperiuit a-

pro Petrum
Damiani sty-
lus vero potius
Bernardum
redoleat. Di-
versas tamen
lectiones inde
descripsimus.

IN FESTO B. MARIAE MAGDALENÆ,
S E R M O. †

Hodie misericordia & veritas obviaverunt sibi, & multitudo miserationum Domini in peccatricem foeminam refusa est. Filius enim Virginis, peccatricis & menstruatæ manibus attractatur, Deumque